



Komisija za Statut i akte

Broj: 04-GV-04-565/22
Sarajevo, 01.04.2022. godine

ZAPISNIK O RADU
29. SJEDNICE KOMISIJE ZA STATUT I AKTE
GRADSKOG VIJEĆA GRADA SARAJEVA
održane 01.04.2022. godine

Prisutni:

1. Toni Vukadin, predsjedavajući,
2. Dženan Tikveša, zamjenik predsjedavajućeg
3. Uk Nihad, član
4. Muamer Mekić, član
5. Alma Čengić, članica
6. Selvira Vilić, članica
7. Drago Jurić, član
8. Vedran Dodik, član
9. Bajro Biber, član

Sjednici iz Stručne službe Gradskog vijeća Grada Sarajeva prisustvuju:

- Mila Eminović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuju:

- Meliha Olovčić, pomoćnica Gradonačelnice za opću upravu i zajedničke poslove
- Dragana Solaković, pomoćnica Gradonačelnice za lokalnu samoupravu i razvoj grada
- Aida Bajramović, ispred Stručne službe Gradonačelnice
- Senada Kočan, ispred Gradske službe za opću upravu i zajedničke poslove
- Arijana Musić, ispred Gradske službe za urbano planiranje, investicije, stambene i komunalne poslove,

Sjednici prisustvuje i Sanjin Smajlović, pravobranilac Pravobranilaštva Grada Sarajeva.

Predsjedavajući Komisije je u 10.53 sati otvorio sjednicu Komisije, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i usvajanjem Zapisnika o radu 28. sjednice Komisije za Statut i akte Gradskog vijeća Grada Sarajeva održane 22.03.2022. godine, sa osam glasova „za“ i jednim „suzdržanim“ glasom.

Na prijedlog Predsjedavajućeg, Komisija za Statut i akte je jednoglasno usvojila **sljedeći dnevni red:**

1. Mišljenje o Prijedlogu Odluke o usvajanju Regulacionog plana „Brdo Hrasno“ sa Prijedlogom Odluke o provođenju Regulacionog plana „Brdo Hrasno“
2. Mišljenje o Izvještaju o radu Pravobranilaštva Grada Sarajeva za 2021. godinu
3. Mišljenje o Amandmanu na Prijedlog Plana rada Grada Sarajeva za 2022. godinu
4. Razmatranje radnog materijala za izradu Nacrta Statuta Grada Sarajeva
5. Tekuća pitanja



TAČKA 1.

Mišljenje o Prijedlogu Odluke o usvajanju Regulacionog plana „Brdo Hrasno” sa Prijedlogom Odluke o provođenju Regulacionog plana „Brdo Hrasno”

Uvodno izlaganje dala je Arijana Musić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja i diskusije, na prijedlog Predsjedavajućeg, Komisija za Statut i akte je sa osam glasova „za“ i jednim „suzdržanim“ glasom bez obrazloženja usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o usvajanju Regulacionog plana „Brdo Hrasno” sa Odlukom o provođenju Regulacionog plana „Brdo Hrasno”* kako je predložena.

TAČKA 2.

Mišljenje o Izvještaju o radu Pravobranilaštva Grada Sarajeva za 2021. godinu

Uvodno izlaganje dao je Sanjin Smajlović, pravobranilac Pravobranilaštva Grada Sarajeva.

Poslije uvodnog izlaganja, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Izvještaj o radu Pravobranilaštva Grada Sarajeva za 2021. godinu*, kako je predložen.

TAČKA 3.

Mišljenje o Amandmanu na Prijedlog Plana rada Grada Sarajeva za 2022. godinu

Uvodno izlaganje dao je Nihad Uk, član Komisije i predstavnik predlagača Amandmana, te upoznao prisutne da je potrebno amandman dopuniti tako da se utvrdi da se predloženo rješenje uvrsti u budući Plan u dijelu koji se odnosi na opću upravu.

Poslije uvodnog izlaganja, na prijedlog Predsjedavajućeg, Komisija za Statut i akte je jednoglasno usvojila sljedeći **zaključak**:

Amandman Kluba gradskih vijećnika Naše stranke na *Prijedlog Plana rada Grada Sarajeva za 2022. godinu* je potpun i podnesen od strane ovlaštenog predlagača u skladu sa članom 124. Poslovnika Gradskog vijeća Grada Sarajeva, te se može razmatrati na sjednici Gradskog vijeća Grada Sarajeva, s tim što je predlagač dopunio prijedlog da se predložena dopuna Plana uvrsti u dio Plana koji se odnosi na opću upravu.

TAČKA 4.

Razmatranje radnog materijala za izradu Nacrta Statuta Grada Sarajeva

Predsjedavajući Komisije je predložio razmatranje i izjašnjavanje o primjedbama, prijedlozima i sugestijama dostavljenim 25.03.2022. godine od strane Dženana Tikveše, zamjenika Predsjedavajućeg Komisije za statut i akte.

I. Poslije diskusije, na prijedlog Predsjedavajućeg, Komisija za Statut i akte se sa pet (5) glasova „za“ i četiri (4) „suzdržana“ glasa izjasnila o prijedlogu 1) U članu 26. iza stava (1) dodaje se novi stav (2), koji glasi: (u slučaju prihvatanja stavovi bi dobili novu numeraciju)

„(2) Ukupni sastav Gradskog vijeća će u toku cijelog mandata odražavati ravnopravnu zastupljenost spolova. Ravnopravnom zastupljenošću oba spola smatrat će se sastav Gradskog vijeća u koji je delegirano najmanje 40% osoba manje zastupljenog spola.“

Poslije izjašnjavanja se razvila diskusija u kojoj su sudjelovali svi prisutni i u kojoj je su članovi pokušali simulirati situaciju u kojoj se pri izboru gradskih vijećnika trebaju ispuniti svi kriteriji za sastav Gradskog vijeća Grada Sarajeva (rezultati političkih subjekata ostvarenih na lokalnim izborima, nacionalna struktura te spolna struktura i njihova zastupljenost po gradskim općinama).

Iz diskusije je proizašao stav da je i ovako teško ispuniti sve propisane uvjete, te da bi uvođenje još jednog kriterija možda čak i onemogućilo konstituiranje Gradskog vijeća u određenim situacijama.

Poslije rasprave, Predsjedavajući Komisije je konstatovao da je o ovome prijedlogu potrebno još jednom razmisliti, a članovi Komisije su prihvatili sugestiju da na sljedećoj sjednici Komisije još jednom razmotre ovaj prijedlog.

Bajro Biber, član Komisije je u 11.24 sati napustio sjednicu.

II. Poslije diskusije, na prijedlog Predsjedavajućeg, Komisija za Statut i akte se sa četiri (4) glasa „za“, jednim (1) glasom „protiv“ i uz tri (3) „suzdržana“ glasa izjasnila o prijedlogu 2) U članu 32. iza stava (1) dodaje se novi stav (2), koji glasi: (u slučaju prihvatanja stavovi bi dobili novu numeraciju)

„(2) Gradsko vijeće će, prilikom izbora Predsjedavajućeg i tri zamjenika Predsjedavajućeg, voditi računa o ravnopravnoj zastupljenosti oba spola i u skladu s tim izabrati dvije osobe manje zastupljenog spola.“,

te će se rješenje iz prijedloga uvrstiti u tekst Nacrta Statuta.

III. Poslije diskusije, na prijedlog Predsjedavajućeg, Komisija za Statut i akte se sa šest (6) glasova „za“ i dva (2) „suzdržana“ glasa izjasnila o prijedlogu 3) U članu 43. iza stava (1) dodaje se novi stav (2), koji glasi: (u slučaju prihvatanja stavovi bi dobili novu numeraciju)

„(2) Gradsko vijeće će, prilikom izbora dva zamjenika Gradonačelnika, voditi računa o ravnopravnoj zastupljenosti oba spola i u skladu s tim izabrati jednu osobu manje zastupljenog spola.“,

te će se rješenje iz prijedloga uvrstiti u tekst Nacrta Statuta.

IV. Poslije diskusije, na prijedlog Predsjedavajućeg, Komisija za Statut i akte se sa sedam (7) glasova „za“ i jednim (1) „suzdržanim“ glasom izjasnila o prijedlogu 4) U član 100. u trećem redu iza riječi Sarajevo“ interpunkcijski znak “tačka“ zamjenjuje se interpukcijskim znakom „zarez“ i dodaju riječi „izuzev odredbe iz člana 26. st. (1) i (2), član 32. stav (2) i član 43. stav (2), koje stupaju na snagu nakon Lokalnih izbora u Bosni i Hercegovini 2024. godine.,

te će se rješenje iz prijedloga uvrstiti u tekst Nacrta Statuta.

Predsjedavajući Komisije je predložio, što su članovi Komisije prihvatili, da se sljedeća sjednica Komisije za Statut i akte održi poslije 06. aprila, na kojoj će se razmotriti i ostale primjedbe, prijedlozi i sugestije podnesene s ciljem izrade konačan teksta za utvrđivanje Nacrta Statuta Grada Sarajeva.

TAČKA 5.
Tekuća pitanja

Pod ovom tačkom dnevnog reda nije bilo zaključaka.

PREDSJEDAVALJUĆI KOMISIJE

Toni Vukadin, s.r.

Predsjedavajući Komisije je u 11.30 sati zaključio rad 29. sjednice Komisije za Statut i akte Gradskog vijeća Grada Sarajeva.